



**OFFICE OF THE GOVERNOR
AMERICAN SAMOA GOVERNMENT**

February 22, 2023

GENERAL MEMORANDUM NO. 040 – 23

Mo: Failautusi o Matupu Tau Samoa, Faatonu, Peresitene, ma Faatonu o Pule'aga o Lalā, ma Faauluuluga o Ofisa

Mai le: Sui Matai Pule Ofisa o le Kovana

E Uiga i le: Tālo Masina o le Gagana Samoa,

E faailoa fiafia atu ia outou afioga le tatala aloa'ia o le Masina o le Gagana Samoa i le aso muamua o Mati. O se taumafaiga a le Komisi o le Gagana Samoa e folasia i le mamalu lautele le naunauta'iga i le gagana se'i o tatou 'au faatasi i lona faatāuaina. O le Fono Usu 37 a le Fono Faitulafono na faavae ai le Komisi o le Gagana Samoa. O lona autu o le faasao, faamautu, faatāuaina ma ia olaola pea le Gagana Samoa. O le gagana na te faamauina ia mausalī lo tatou tofi tuufaasolo o la tatou aganuu, o le ute o tifa o lo tatou faasinomaga.

O le a faatautaia faama'ite eseese a le Komisi i le masina atoa o Mati, i le faamoemoe ia silasila manino le mamalu lautele i lamatiaga ua iai le Gagana Samoa. Matou te valaau faaaloalo atu ai faatasi ma sui o ekalesia, Ofisa o A'oga, Su'esu'ega Samoa i le Kolisi Tuufaatasi, Ofisa o Mataupu Tau Samoa, ma sui o le mamalu lautele o loo i leni taumafaiga, tatou auai faatsi ma lou ofisa i le tālo i tafāala i **Utulei i le 7:00 am, 1 Mati**, e tatala ai le Masina o le Gagana Samoa.

E talosaga atu i matagaluega ta'itasi ina ia ofuina le lanu samasama po'o le lanu enaena mo le tatou tālo (kick-off wave). E matagofie fo'i le iai o ni pepa faailo e tusia ai ni faaupuga o le faatāuaina o le Gagana Samoa.

Aso Lulu, Mati 1, 2023

Taimi: 7:00 - 8:00 i le taeao

Nofoaga: Suigā'ula, Utulei

Ma lo'u ava e tatau ai,

A handwritten signature in black ink, appearing to read "Lydia A. Amisone".

Lydia A. Amisone
Acting Chief of Staff